




宋林和靖先生詩集卷之二



明後學何養純文粹

諸時寶廷取

諸時登廷采校

七言律詩

湖上隱居

湖水入籬山遶舍、隱居應與世相違、閑門自掩蒼苔色、過客時驚白鳥飛、賣藥比嘗嫌有價、灌園終亦愛

無機如何天竺林間路猶到秋深夢翠微

湖山小隱二首

道着推名便絕交一峯春翠濕衡茆  
莊生已憤鴟鵂嚇揚子休談蠅蚋嘲  
滴滴藥泉來石竇霏霏茶藹出  
松梢琴僧近借南薰譜且併閑工  
子細抄

其二

閑搭綸巾擁縹囊此心隨分識興亡  
黑頭為相雖無謂白眼看人久未妨  
雲噴石花生劍壁雨敲松子落

琴林清猿幽鳥遙相叫數筆湖山又夕陽

西湖泛舟入靈隱寺

水天相映淡潏溶隔水青山無數重  
白鳥背人秋自遠蒼烟和樹晚來濃  
桐廬道次七里瀨彭蠡湖間五老峯  
輟棹遲迴比未得上方精舍動疎鐘

湖上晚歸

臥枕船舷歸思清望中渾恐是蓬瀛  
橋橫水木已秋色寺倚雲峯正晚晴  
翠羽濕飛如見避紅蕖香瀟似

相迎依稀漸近誅茅地、鷄犬林蘿隱隱聲

湖上初春偶作

梅花開盡臘亦盡晴暖便如寒食天春色半歸湖岸  
柳人家多上郭門船文禽相並映短草翠瀨欲生浮  
嫩煙幾處酒旗山影下細風時已弄繁絃

西湖春日

爭得才如杜牧之試來湖上輒題詩春烟寺院敲茶  
鼓夕照樓臺卓酒旗濃吐襍芳薰巘嶼濕飛雙翠破

連漪人間幸有蓑蕪笠且上漁舟作釣師

池上春日

一池春水綠於苔水上花枝竹間開芳草得時依舊  
長文禽無事等閒來年顏近老空多感風雅含情苦  
不才獨有浴沂遺想在使人終日此徘徊

池上春日即事

鴛鴦如綺杜蘅肥瀾瀾夷猶翠瀨微但據汀洲長並  
宿莫衝煙靄輒驚飛已輸謝客清吟了未忍山翁爛

醉歸釣艇自橫絲雨霽更從蒲條媚斜暉

小園春日

草烟橫碧露華微乘興春園懶欲歸聚散有情輸蛺蝶淺深無色比薔薇浮名莫惜千鍾貴急景須防百歲稀一事不堪身衣褐且偷閑眼看芳菲

夏日池上

蓮香如綺細濛濛翡翠窺魚裊水萍卷箔未生單簟月凭欄初過一襟風橫欹片石安琴薦獨傍新篁看

鶴籠沈李凍醪無寄與可憐瀟灑興誰同

西巖夏日

蕙帳蕭閑掩弊廬子真巖石坐來初為鷺野鳥巢間乳懶過隣僧竹裏居新溜迸涼侵靜語晚雲浮潤上殘書何煩彊捉白團扇一柄青松自有餘

夏日即事

石枕涼生菌閣虛已應梅潤入圖書不辭齒髮多衰病所喜林泉有隱居粉竹亞梢垂薄露翠荷差影聚

遊魚北窓人在羲皇上時為淵明一起子

隱居秋日

行藥歸來即杜門、嘯臺秋色背人羣、幽蟲傍草晚相  
映、遠水着烟寒未分、高亢可能稱獨行、窮空猶擬類  
斯文、過後好事今誰是、自笑何如楊子雲、

秋日湖西晚歸舟中書事

水痕秋落蟹螯肥、閑過黃公酒舍歸、魚覺船行沈草  
岸、犬聞人語出柴扉、蒼山半帶寒雲重、丹葉疎分夕

照微、卻憶清谿謝太傅、當時未解惜蓑衣、

城中書事

一門深掩得閑樵、純白遺風要獨全、強接俗流終反  
道、敢嫌貧病是欺天、圍形古寺諳尋鶴、照蘚秋廊擬  
疏玄、從此免慙巖下者、予真高興未蕭然、

深居禱興六首

諸葛孔明謝安石、畜經濟之才、雖結廬南陽、  
携妓東山、未嘗不以平一字內、躋致生民為

意鄙夫則不然。胸腹空洞，剪然無所存置。但能行樵坐釣，外寄心於小律詩。時或鑿兵景物，衡門情味。則倒覘二君而反有得色。凡所寓興，輒成短篇。總曰浣居雜興詩六首，蓋所以狀林麓之幽勝，攄几格之閑曠。且非敢求聲於當世，故援筆以顯其事云。

隱居松籟細，錚然何獨微。之重碧鮮，已被遠峯擊。巖巖更禁初月吐，娟娟門庭靜。極霖苔露籬，援涼生裏。

菊煙中有病夫披白搭，瘦行清坐詠遺篇。

其二

四壁垣衣釣具腥，已甘衡泌號沉冥。伶倫近日無侯白，奴僕當時有衛青。花月病懷看酒譜，雲蘿幽信寄茶經。茅君使者蕭閑甚，獨理叢毛向戶庭。

其三

薄夫何苦事姦姦，一室琴書自解顏。峯後月明秋嘯去，水邊林影晚樵還。文章敢道長於古，光景渾疑剩

林和詩集卷二  
九  
卻閑多少烟霞好猿鳥令人惆悵謝東山

其四

冉冉秋雲抱嘯臺一丘松竹是閑媒誰聞濟北傳兵  
畧枉說山東出相才樵褐短長披搯膝丹爐高下壘  
懸胎三千功行無圭角可望虛皇九錫來

其五

上書可有三千牘下筆曾無一百函  
卷孤懷背塵世獨營幽事傍雲巖  
僧分乳食來陰洞鶴觸茶薪落

壺杉未似周顥少貞勝北山應免畧相銜

其六

松竹封侯尚未尊石為公輔亦云云  
清華自合論閑客玄默何妨事靜君  
鶴料免慚尸厚祿茶功兼擬策  
元勛幽人不作山中相且擁圖書卧白雲

禱興四首

短褐蕭蕭頂幅巾擁書纔罷即嘖呻  
耕樵可似居山者飲饌長如病酒人  
閉戶不無慵答客焚香除是靜



朝真前賢風際聊希擬一刺偏多并大春

其二

散帙揮毫總不忤病懷愁緒坐相兼苔痕作意生秋  
壁樹影無端上古簾一壑等閑甘汨汨五門平昔避  
炎炎惟應數刺清涼夢時曲顏肱興未厭

其三

湖上山林盡不如霜天時候屬園廬梯斜晚樹收紅  
柿筒直寒流得白魚石上琴尊苔野淨籬陰雞犬竹

叢疎一闕兼是和雲掩敢道門無卿相車

其四

掉臂何妨入隱淪高賢應總貴全真次山有以稱聳  
叟魯望兼之傳散人拂水遠天孤榜晚夾村微雨一  
溪春不知圖畫誰名手狀取江湖太古民

孤山後寫望

水墨屏風狀總非作詩除是謝玄暉溪橋裊裊穿黃  
落樵斧丁丁斫翠微返照未沈僧獨往長煙如淡鳥

橫飛南峯有客鋤園罷閑倚籬門忘卻歸

孤山寺端上人房寫望

底處憑闌思眇然孤山塔後閣西偏陰沉盡軸林間  
寺零落棊枰葑上田秋景有時飛獨鳥夕陽無事起  
寒烟遲留更愛吾廬近祇待重來看雪天

山閣偶書

遠舍青山看未足故穿林表架危軒但將松籟延佳  
客常帶嵐霏認遠村吳榜自能凌晚汰湘纍何苦屬

芳蓀餘生多病期怡養聊此棲遲一避喧

孤山寺

雲峯水樹南朝寺祇隔叢篁作並隣破殿靜披蘿白  
古齋房閑試酪奴春白公睡閣幽如畫張祐詩牌妙  
入神乘興醉來拖木突翠苔蒼蘚石磷磷

西湖

混元神巧本無形匠出西湖作畫屏春水淨於僧眼  
碧晚山濃似佛頭青藥櫃粉堵搖魚影蘭杜煙叢閣

鷺翎往往鳴榔與橫笛、細風斜雨不堪聽

平居遣興

有甚餘閑得解嘲、高慵時把几程敲、早收晚鳥沉幽  
語、厯刺煙篁露病梢、草野交遊披褐見、神仙書史點  
朱抄、皇朝不是甘逃遁、爭向心如許與巢

山谷寺

一入禪林便懶還、衆峯深壑共孱顏、樓臺冷簇雲蘿  
外、鐘磬晴敲水石間、茶版手擎童子淨、錫枝肩倚老

僧閑獨孤房、相碑文在幾認題、名拂蘚斑

峽石寺

長懷如練楚山青、禹鑿招提甲畫屏、數崦林蘿攢野  
色、一崖樓閣貯天形、燈驚獨鳥迴晴塢、鐘送遙帆落  
晚汀、不會剃頭無事者、幾人能老此禪扃

池陽山店

數家村店簇山旁、下馬危橋已夕陽、鷺鳥忽衝谿靄  
破、暗花閑墮塹風香、時間盤泊心猶戀、日後尋思興

林稱詩集卷二  
必狂可惜迴頭一聲笛酒旗搖曳出疎篁

寺居

浩然中杖立秋鐘院舍門門細逕通  
栢子有芽生塔地鶴毛無響墮廊風閑  
樓已合稱高士清論除非對遠公不厭  
浮塵擬何了片心難舍此緣中

采石山

危閣閑登日漸曛整屏晴雨枕江濱  
秋稜瘦出無多寺古翠濃連一半雲  
坐臥不拋輪釣叟往來長見屬

鷗羣翻然卻恠宣城守是甚移將李白墳

易從上人山亭

湖水汪洋灣隔數峯籬門和竹夾西東  
閑來此地行無厭又共吾廬看不同  
靈隱路歸秋色裏招賢菴在鳥行中  
屏風若欲相挽見合把嶢巖與畫工

園池

一逕衡門數畝池平湖分漲草含滋  
微風幾入扁舟意新霽難忘獨繭期  
島上鶴毛遺野迹岸傍花影動

春枝東嘉層構名今在獨媿憑闌負碧漪

林間石

入夜跏趺多待月移時箕踞為看山苔生晚片應知  
靜雲動秋根合見閑瘦鶴獨隨行藥後高僧相對試  
茶間踈篁百本松千尺莫怪頻頻此往還

黃家莊

黃家莊畔一維舟總是沿流好宿頭野興幾多尋竹  
筵風情此小上茶樓遙村雨暗鳴寒犢淺渚沙平下

晚鷗更有錦帆荒蕩事落然隨分起時愁

過蕪城縣

詩中長愛杜池州說着蕪城是勝遊山掩縣城當北  
起渡衝官道向西流風稍掃碇網初下雨擺魚薪市  
未收更好兩三僧院舍松衣石髮關山幽

無為軍

掩映軍城隔水鄉人煙景物共蒼蒼酒家樓閣搖風  
旆茶客舟船簇雨檣殘笛遠砧聞野墅老苔寒檜看

僧房狎鷗更有江湖興、珍重江頭白一行。

出泉水驛

曉城寒水共蕭蕭、濕碧吹青路一條、煙靄濃間出山、  
驛林蘿淥裏、過溪橋、閑情謾會吟兼畫、隱事猶輸釣、  
與樵多謝孤村人、落外酒旗風急更相招。

淮南遊

幽勝程程擬、編尋不妨淮楚入、搜吟蘚沙蘿落谿莊、  
靜松竹樓臺塢、寺淥數抹晚霞憐、野笛一篩寒雨羨。

沙禽腰間組綾誰能愛、時得閑遊是此心。

耿濟口舟行

環迴幾合似江干、刺眼詩幽盡狀難、沙觜半平春晚松  
濕水痕無底照秋寬、老霜蒲葦交千刃、怕雨鳧鷗著  
一攢、擬就孤峯寄篔簹、舊鄉漁業久凋殘。

留題李休幽居

俗口喧喧利與名、到君風品即難評、曾將五老關秋  
夢、祇愛南薰是正聲、鳥戀藥棚長獨立、樹欹詩壁半

旁生公車便不能微出搔首吾朝負聖明

園廬

柴關寒井對蕭晨自愛栖遲近古人  
閑草編庭終勝俗好書堆案轉甘貧  
橋邊野水通漁路籬外青山見  
寺隣懶為躬耕詠梁甫吾生已是太平民

安福縣途中作

詩景紛拏且按鞭壞橋危磴走鳴泉  
雲根道店多沽酒山崦人家亦種田  
谷鳥驚啼衝宿雨野梅愁絕閉

寒煙玉梁閣皂堪行編回得臨江即上船

雪三首

瓦溝如粉疊樓腰高會誰能解酒貂  
清夾晚林初落索冷和春雨轉飄  
蕭堪憐雀避來閑地最愛僧衝過  
短橋獨有閉關孤隱者一軒貧病在顏馮

其二

濕飄乾墮著谿林陣猛花尖聚砌陰  
晚沫平隨茶筋薄凍痕全共藥鋤  
深慵多抵好披詩看狂甚無如叩

几吟更想天山兩三騎臂鷹拳蹬簇駸駸

其三

皓然窓戶曉來新畫軸碑廳絕點塵洛下高眠應有  
道山陰清興更無人寒連水石明漁墅猛共松篁壓  
寺隣酒嚼已醒時味薄獨援詩筆得天真

春陰

似雨非晴意思深宿醒率率卧春陰苦憐燕子寒相  
並生怕梨花晚不禁薄薄簾幃欺欲透遙遙歌管壓

來沈北園南陌狂無數只有芳菲會此心

秋懷

惠連初擬賦秋懷病束慵纏幾未諧濕葉墮舟明晚  
暫破雲拖粉露晴岵先甘衰落歸雙鬢已覺清涼入  
百骸試枕離騷校閑品竹烟杉籟滿蕭齋

山園小梅二首

衆芳搖落獨暄妍占盡風情向小園疎影橫斜水清  
淺暗香浮動月黃昏霜禽欲下先偷眼粉蝶如知合



新魂幸有微吟可相狎、不須檀板共金尊

其二

剪綃零碎點酥乾、向背稀稠畫亦難、日薄縱甘春至  
晚、霜深應怯夜來寒、澄鮮祇共隣僧惜、冷落猶嫌俗  
客看、憶着江南舊行路、酒旗斜拂墮吟鞍

又詠小梅

數年閑作園林主、未有新詩到小梅、摘索又開三兩  
朶、團圞空逸百千迴、棠隣獨映山初盡、晚景相禁雪

欲來寄語清香少、愁結為君吟罷一銜杯

梅花

吟懷長恨負芳時、為見梅花輒入詩、雪後園林纔半  
樹、水邊籬落忽橫枝、人憐紅艷多應俗、天與清香似  
有私、堪笑胡雛亦風味、解將聲調角中吹

又二首

幾回山脚又江頭、遠着瑤芳看不休、一味清新無我  
愛、十分孤靜與伊愁、任教月老須微見、却為春寒得

少留終共公言數來者海棠端的免包羞

其二

小園烟景正凄迷陣陣寒香壓麝臍湖水倒窺疎影  
動屋簷斜入一枝低畫名空向間時看詩客休徵故  
事題慚愧黃鸝與蝴蝶祇知春色在桃溪

杏花

蓓蕾枝梢血點乾粉紅腮頰露春寒不禁烟雨輕軟  
着祇好庭臺愛惜看隈柳旁桃斜欲墜等鶯期蝶猛

成團京師巷陌新晴後賣得風流更一般

桃花

柳墜梅飄半月初小園孤榭更庭除任應兩杏情無  
別最與烟篁分不疎比並合饒皮博士皮日休有詩形相  
偏屬薛尚書薛能詩薄紅深茜尖尖葉亦有愁腸未負

渠

山舍小軒有石竹二叢闕然秀叢因成二章

麝香眠後露檀勻綉在羅衣色未真斜倚細叢如有

恨冷搖疎朵欲生春階前紅藥推詞客籬下黃花重  
古人今日含毫與題品可憐殊不愧清新

其二

青帘有酒不妨賒素壁無詩未足誇所重晚芳聊在  
目可闕秋色易為花深枝苒苒粧溪翠碎片英英剪  
海霞莫管金錢好行市寂寥相對是山家

新竹

粉環勻束綠沈槍裊露差烟夔夔長卷箔乍驚雙睫

徙倚闌尋覺百毛涼齊披古錦圍山閣背迸寒犀過  
寺墻堪笑數根蒼翠者強顏如立少年場

榮家鶴

種莎池館久淹留品格堪憐絕比儔春靜棊邊窺野  
客雨寒廊底夢滄洲清形已入僊經說冷格曾為古  
畫偷數啄稻梁無事外報言雞雀懶迴頭

百舌

柳條初重草初肥煙濕園林晚未稀啼百種堪憐巧言

語一般惟欠好毛衣。欺凌紅杏從頭宿。諷刺黃鸝趁  
背飛。誰道闐闐便多事。更能緘默送芳菲。

蝶

細眉雙鬢敵秋毫。冉冉芳園日幾遭。清宿露花應自  
得暖。爭風絮欲相高。情人歿久魂猶在。傲吏齊來夢  
亦勞。閑掩遺編苦堪恨。不并香草入離騷。

病中二首

坐釣行樵那不倦。尋雲看月亦應勞。煩襟入夜權宜

減瘦格乘秋斗頓高。猿下任窺煎藥鼎。客來慵動碾  
茶槽。牀頭臥架真閑却。免有情慘揭悼騷。

其二

遺編坐罷披三豕。小軸行當倦五禽。簾肆有徵常遇  
困。刀圭無狀為攻深。長卿痛渴應難奈。玄晏清羸已  
不禁。約縛隱囊聊閣膝。忘懷未得是微吟。

宋林和靖先生詩集卷之三

明後學何養純文粹

諸時寶廷取

諸時登廷采校

七言律詩

送范希文寺丞仲淹

林中蕭寂歎吾廬、  
疊疊猶欣歎接緒餘、  
去棹看當辨江、  
樹離尊聊為摘園蔬、  
馬卿才大常言能賦、  
梅福官卑數

上書黼座垂精正求治何時條對召公車

送史殿丞之任封州

炎方將命選朝倫治行何嘗下古人擁旆肯辭臨遠  
郡登艫還喜奉慈親水連芳草江南地煙隔寒梅隴  
上春若過中途值歸鴈慰懷能與致音塵

送史宮贊蘭溪解印歸闕

杜若萋萋天似水一檣風信快吟懷春坊冠蓋還朝  
籍寶婺谿山別縣齋訪舊約僧登北固破程乘月宿

清淮東南出宰才居最疇為言揚向玉階

送馬程知江州德安

酒酣無復耿離腸一路之官盡水鄉公解寒生對廬  
阜客帆風定泊潯陽陂涵洲渚初收潦露浥蕪葭未  
作霜到日何人先刺謁二林開士在琴堂

送楚執中隨侍入蜀

仍寄家  
洛京

嚴君將命之印蜀令子和家且侍行洛汭好山歸別  
業江南芳草動離情詩題寺壁雲根潤書檢松窓野

色明他日林間無所望，祇求金榜看嘉名。

送馬程負外之任烏江

空色青蒼寒日明，遲遲携手出柴荆。  
長貧少得交遊者，漸老不禁離索情。  
去權浦帆當晚落，到官江草已春生。  
州監縣尹多才識，當念吾宗負大名。

送趙時校書之任臨川司理

南國古來風物好，早時游蕩熟登臨。  
青山滿路人家遠，丹橘隔江秋色深。  
官况暫應勞折獄，病懷終自重

分襟三年解罷當求試，多草新文慰我心。

送吳秀才赴舉

一戰詞場定策勛，麻衣西笑仕紛紛。  
風神已負青雲氣，藝業兼携白地文。  
輦下春華期縱轡，野中林色惜離羣。  
明年新榜看看見，第甲嘉名且認君。

送陳縱之無為軍

淮天時節少春寒，幾蒂梅花雪欲殘。  
水次軍城囊劍入，雨餘村隴鐙驢看。  
名緣未出知誰異，道為深窮卻

自難第一京師早西入廟廊題字可無韓

送文光師遊天台

天姥山深搖錫杖野芳春翠共歲蕤松門過水無重  
數石壁看霞到盡時閑避鳥啼應作觀忽逢人迹自  
留詩秦中河朔嘗遊覽莫恨此方行脚遲

贈胡明府

一琴牢落倚松窓孤澹無君得趣長謁廟有時封縣  
版坐衙終日看公裳為收牌印教材僕偶檢圖書見

古方徵足稅錢人更靜卻搢吟策立秋廊

贈當塗朱仲敏

甚與時流道不同南朝臺閣是家風高閑几格圖書  
畔冷澹門庭樹石中回寄詩牌尋勝景擬投文卷數  
名公榮登顯達他年後應笑冥冥弋者鴻

舒城僧舍呈贈李仲宣文學

竹深淮寺雪蕭騷一壁寒燈伴寂寥瘦盡骨毛終駮  
裹蝕來鋒刃轉豪曹官情冷落詩中見談態軒昂酒



後高莫為無辜惜才術聖明求治正焦勞

贈錢唐邑長高秘校

幾萬人家山水中為官古雅少人同  
疎簾衙退卷花軸曲檻客來憑竹風  
唯道簿書多傍俗自憐琴酒未妨公  
等閑呵止郭門近輕棹遶湖尋佛宮

喜皎然師見訪

金錫鏘然款蠹關雲膏濃煮對跳巖清如霜月三五  
夕瘦似煙篁一兩竿舊社久拋魂夢破近詩纔舉骨

毛寒池軒夜靜且留宿往往自將秋籟彈

寄解州李學士

解梁賢守古難同張蓋垂鞭自士風  
館職久銜疎舊地郡符重剖枉名公  
印廳孤坐琴尊外鈴閣清談易老中  
聞演絲綸徵詔近相如文學動天聰

寄薛學士曹州持服

飛微偶未下天衢古郡寬閑且寄居  
曾許布衣通一刺每留蔬食看群書  
高齋已想閑丹竈清夢誰同話

直廬江外敢知無別計、祇携琴鶴聽新除

寄傅霖

葛蔓煙枯束六經、高廡渾與昔賢傳、黃牙稚子跨牛  
種、白眼山人識劍形、寒睡草旁林酒壯、曉思河曲雨  
槎腥、傳聞曾說平生事、不要清朝夢武丁、

寄岑迪

時黜官居曹州

久辜才術向吾朝、公罪應該洗雪條、佐邑舊曾居府  
寺、轉官新合入京僚、門庭冷落閑中住、僮僕生疎賤

價、招別後交遊、合相憶、酒燈棊雨數侵宵、

寄邢門梁進士

退隱無山進乏媒、杜門芳草與蒼苔、貧為吾道應闕  
命、達似他途亦是才、入靜合尋衙北寺、野涼還上郭  
西臺、江干昨夜情多少、風雨吹燈一夢迴

曹州寄任獨復

交結文章盡世驚、城中幽隱更無營、敢將古道為吾  
事、耻對常流語子名、秋思病彈曾獨聽、太玄閑寫欠

誰評清朝故實蒲輪在合為高賢下帝京

山中寄招葉秀才

夜鶴曉猿時復聞、寥寥長似耿離群、月中未要恨丹桂、嶺上且來看白雲、棋子不妨臨水看、詩題兼好共僧分、所憂他日榮名後、難得幽栖事靜君

嘗茶次寄越僧靈皎

白雲峯下兩槍新、膩綠長鮮穀雨春、靜試恰看湖上雪、對嘗兼憶剡中人、瓶懸金粉師應有、筋點瓊花我

自珎清話幾時搔、首後頰和松色勸三巡

寄宣城宗言姪

春水涵波綠渺瀰、江南芳草又離離、謝家元住青山郭、郗氏近攀丹桂枝、衣下香囊非爾好、牀頭詩卷媿吾癡、中林獨處仍多病、早晚能來慰所思

寄西山勤道人

天竺山深桂子丹、白猿啼在白雲間、死生不出千門事、坐卧無如一室閑、誰伴錫痕過窅歷、自憑茶色對

尋顏忌機亦有龐居士園井蕭疎病掩關

寄呈張元禮

君棲枳棘官將滿我住蓬蒿道正窮  
駟馬交遊從此少一瓢生事不勝空  
衡門但枕盈盈水群木方搖撼  
撼風若念故人兼久病公餘無惜寄詩筒

寄玉梁施道士

子雲遺搆住丹房天鼓時聞數叩霜  
真景截波尋鐵柱恠書披月看銅牆  
氤氳氣朝胎息熠熠辰輝夜

步網犬靜入來諸事罷靈蕪盤穗卷良方

寄太白李山人

顏如童子髮如鬢卜築深當太白西  
身上祇衣麤直掇馬前長帶古偏提  
鷗鵬懶擊三千水龍虎閑封六一  
泥幾獨枕肱人迹外半窓松雪論天倪

應陽寄金陵衍上人

蘚暈莎叢古石房寺和松竹背秋岡  
騷吟未斷雲生褐梵偈重開月照香  
五老舊遊應悄默六朝閑事肯

悲涼西州獨客心搖甚抹碧江天鳥一行

春日寄錢都使

桃花枝重肉紅垂萱草抽苗抹綠肥正語暖鶯風細  
細著雙寒燕雨稀稀亭臺物景兼飄絮宅院時情漸  
夾衣指肯<sup>背</sup>挾肩行樂事不甘離索向芳菲

寄題歷陽馬仲文水軒

搆得幽居近郭西水軒風景獨難齊烟含晚樹人家  
遠雨濕春蒲燕子低紅燭酒醒多聚會粉箋詩敵幾

招携旅遊今日堪搔首搖落山城困馬蹄

春暮寄懷曹南通守任寺丞

中行

跌蕩情懷每事同十年曾社醉春風彈弓園圃陰森  
下碁子廳堂寂靜中赤脚我猶無一婢黑頭君合作  
三公江湖今日還勞結目送歸飛點點鴻

和西湖霽上人寄然社師

行下經房號白蓮社師高行出人天一齋中拂晨鐘  
次數禮香燈夜像前瞑目幾閑松下月淨頭時動石

盆泉西湖舊侶同吟寄憶着深峯萬萬年

和陳湜贈希社師

瘦靠欄干搭梵襟、綠荷階面雨花深、迢迢海寺浮杯  
興杳杳秋空放鶴心、齋磬冷搖松吹襍、定燈孤坐竹  
嵐侵、鏘然更有金書偈、祇許龍神聽靜吟、

追和彭城太尉夏月寄題湖上湛源大師房

碧蒲紅蓼白蓮房、一片藥櫃撼水光、海岸空聞有孤  
絕、山中休道更清涼、驚飛翡翠當軒鳥、裏過旃檀別

院香窠愛晚天、吟枕上好雲遙聳數峯長、

集賢李建中工部嘗以七言長韻見寄感存懷

沒回用追和

清絕門墻冷似冰、野人懷刺昔嘗登、新題對雨分蕭  
寺、舊夢經秋說杜陵、貧典郡符資月給、老持臺憲減  
霜稜、開元文學鍾王筆、惆悵臨風一燼燈、

和酬周啟明賢良見寄

治世誰能弔屈平、且披緗帙散幽絳、春陽盡吐芊芊

草霄極長垂兩兩星半壁烟嵐圖太華一帶風雪訪  
支硎雅吟為惠將何比明月珊瑚海氣腥

酬畫師西湖春望

笛聲風煖野梅香湖上憑闌日漸長一樣樓臺圍佛  
寺十分煙雨簇漁鄉鷗橫殘葑多成陣柳映危橋未  
着行終約吾師拍芳草靜吟閑步岸華陽

畧秀才以七言四韻詩為寄輒敢酬和幸惟

采覽

本無高亮似陽城但愛松風入耳聲五畝自開林下  
隱一尊聊敵世間名交談不遠樵農客弄翰慵誇子  
墨卿異日青冥肯迴顧夫君門族舊和羹

西湖孤山寺後舟中寫望

天竺橫分景色寬孤山背後泊船看林巖野路秋偏  
靜水映漁家晚自寒拂拂烟雲初淡蕩蕭蕭蘆葦半  
衰殘春鋤數點誰驚起書破晴雲粉字乾

小隱

魯望無來已百年，又生吾輩在林泉。唯知隱遯為高  
尚，敢道文章到聖賢。月界曉窗琴嶽潤，竹搖秋杵墨  
雲鮮。南塘一霎霏微雨，更擁漁蓑上釣船。

梅花二首

宿靄相粘凍雪殘，一枝深映竹叢寒。不辭日日亭邊  
立，長願年年末上看。葉訝粉綃裁太碎，蒂疑紅蠟綴  
初乾。香蕩獨酌聊為壽，從此羣芳興亦闌。

其二

孤根何事在柴荆，村色仍將臘候并。橫隔片煙爭向  
靜，半粘殘雪不勝清。等閑題詠誰為愧，子細相看似  
有情。搔首壽陽千載後，可堪青草雜芳英。

聞靈皎師自信州歸越以詩招之

天師蒼翠橫金錫，地藏清涼掩竹扉。千里白雲隨野  
步，一湖明月上秋衣。詩尋靜語應無極，琴弄寒聲轉  
入微。我亦孤山有泉石，肯來松下共忘機。

復賡前韻且以陋居幽勝詎而誘之



盡共藥材懸屋壁、琴兼茶具入船扉。秋花挹露明紅粉、水鳥衝烟濕翠衣。石磴背穿林寺近、竹烟橫點海山微。百千幽勝無人見、說向吾師是淺機。

詩招南陽秀才

莫因公薦偶失意、便擬飄蓬作旅人。志壯任存題柱事、病多爭向倚門親。危堤柳色休傷別、上院杏花長自春。況有西湖好山水、歸來且濯錦衣塵。

謝馬程先

輩惠蜀牋

數幅丹霞夾白雲、封題何事寄幽人。虧君視草禁中客、乞我浣花谿上春。且與巾箱為玩好、更無篇什寫清新。我來臥病還多感、一筆蛛絲滿硯塵。

讀王黃州詩集

坐吟行看對清秋、懶架仍移近枕頭。放達有唐惟白傳、縱橫吾宋是黃州。左遷商嶺題無數、三入承明興未休。紅藥紫薇千一古、又添揚子伴牢愁。

讀种先生丁密諫詩

舊草閑看即自卑，聖朝空道苦於詩。高才敢望如明  
逸，新句無因似謂之。淮甸月華歌枕靜，秣陵春色按  
鞭遲。邯鄲獨步西施笑，落得星星兩鬢絲。

喜姪宥及第

新榜傳聞事可驚，單平於爾一何榮。玉階已忝登高  
第，金口仍教改舊名。聞喜宴遊秋色雅，慈恩題記墨  
行清。巖扉掩罷無他意，但藝靈蕪感盛明。

傷白積殿丞

吏散門牆轉寂然，疏狂投分向生前。苦無名位高今  
世，空有文章出古賢。遺傳得誰脩闕下，孤墳應祇客  
江邊。池陽渺渺堪垂睫，莫罷秋枝一叫蟬。

傷朱寺丞

妻女飄零五嶺頭，為君南望涕橫流。浮榮輒得衣朱  
紱，遠宦尋聞喪白州。天與聲名還自折，瘴侵編什有  
誰收。朝中交舊知多少，應惜無兒似鄧攸。

予薛公益

未第身魂歿帝京、東還長欠奠幽靈、遺文盡合編家傳、高行誰堪撰墓銘、談柄寂寥塵久暗、墨池荒廢草空青、三招不見山中濕、擬畫軒昂太白星

宋林和靖先生詩集卷之三

宋林和靖先生詩集卷之四

明後學何養純文粹

諸時寶廷取

諸時登廷采校

五言絕句

閔師自天台見寄石枕

斲石自何許、枕之懷赤城、空廬復蕙帳、旦暮白雲生、  
西湖與性上人話別

秋山與湖水，遠近如相送。後夜宿扁舟，知師有歸夢。  
送謝尉

試吏才未伸，食貧同古人。何以贈行色，一酌湖水春。  
贈中師草聖

行草得三昧，林間嘗與語。秋風忽捲衣，別我之何所。

送僧之京師

皇城十二衢，埃塵滿香域。何以待歸期，山中桂花色。  
七言絕句

孤山隱居書壁

山水未深猿鳥少，此生猶擬別移居。直過天竺溪流上，獨樹為橋小結廬。

水亭秋日偶書

巾子峰頭烏臼樹，微霜未落已先紅。憑闌高看復低看，半在石池波影中。

水軒

日於詩雅轉沉迷，尤愛凭闌此構題。紛泊楊花春意

晚黃鸝飛過水東西

池上作

簇簇菰蒲映蓼花，水痕天影蘸秋霞。  
分明似箇屏風上，飛起鴉鵲一道斜。

松徑

霜子落秋筇，卓破兩釵堆地屐。  
拖平不知呵止，長安客肯愛深穿冷翠行。

竹林

寺籬斜夾千梢翠，山磴深穿萬籜乾。  
却憶貴家廳館裏，粉牆時畫數莖看。

菱塘

含機綠錦翻新葉，滿匣青銅瑩古花。  
最愛晚來鷗與鷺，宿烟翹雨便為家。

蓮蕩

楚妃臯女一何多，裳似芙蓉衣芰荷。  
幾夕霏霏烟靄裏，競窺清淺弄重波。

葑田

淤泥肥黑稻秧青，澗蓋深流旋旋生。擬倩湖君書版籍，水仙今佃老農耕。

僧有示西湖墨本者，就孤山左側林蘿祕邃間，狀出衡茅之所，且題云：林山人隱居謹書二韵以承之。

泉石年來偶結廬，冷挨松雪瞰西湖。高僧好事仍多藝，已共孤山入畫圖。

孤山雪中寫望寄呈景山仙尉

瑤樹瑤岑掠眼新，鮮飈時復颺珠塵。此中自是蓬萊闕，何處更尋姑射人。

春日齋中

空堦重疊上垣衣，白晝初長社燕歸。落盡海棠人卧病，東風時復動柴扉。

山中寒食

方塘波綠杜蘅青，布穀提壺已足聽。有客新嘗寒具

罷據梧慵復散幽經

其二

氣象纔過一百五且持春酒養衰年中林不是不禁  
火其柰山櫻發欲然

易從師山亭

林表秋山白鳥飛此中幽致亦還稀西村渡口火烟  
晚坐見漁舟兩兩歸

秋江寫望

蒼茫沙蘆鷺鷥眠片水無痕浸碧天最愛蘆花經雨  
後一蓬烟火飯漁船

乘公橋作

晚峰橫碧樹梢紅數榜漁曾水影中憶得江南曾看  
着巨然名畫在屏風巨然僧尤妙山水

宿姑蘇淨惠太師院

常愛人間此會稀話長終夕重開扉孤山猿鳥西湖  
上懶對寒燈詠式微

偶書

一任塵欺古鹿盧、聖經窮爛更何圖、  
碯溪老叟能開氣、八十封侯不似無、

予頃得宛陵葛生所茹筆十餘筒、其中復得精  
妙者二三焉、每用之如麾百勝之師、橫行於紙  
墨間、所向無不如意、惜其日久且弊、作詩二篇  
以錄其功、

江南秋兔老毫竦、數字鍾王尚賈餘、  
因讀退之毛穎

傳可憐、今日不中書、

其二

神功雖缺力終存、架琢珊瑚欠策勛、  
日暮閑窓何所似、灞陵憔悴故將軍、

清河茂才以良筆并詩為惠、次韻奉答、

郊翰秋勁愈於錐、筠管溫溫上玉輝、  
聊為夫君一擔

閣、老來駕緩久知非、  
張君行楷精妙  
目致眼膺之意

初夏



乳雀啁啾日氣濃，雉桑交影綠重重。  
秧田百畝鵝黃犬，橫策溪村屬老農。

秋日含山道中廻寄歷陽希然山人

村落人家捲入詩，下驢盤薄立多時。  
霜陂一掬清於鑑，漱着牙根便憶歸。

晚春寄示茂才馮彭年

頭上酒巾為長物，據梧微詠意無涯。  
人生行樂知能幾，但見春風滿地花。

山陽夏日寄黃大茂才

幾日無緣見，升度令人鄙。吝不能忘，新篁繞閣薰風細。  
還肯時來納晚涼。

錢塘仙尉謝君詠物樓成寄題二韻

仙人多在麗樵居，况對西山爽氣餘。  
若向湖濱屬佳句，莫忘秋水落芙蕖。

寄上金陵馬右丞

專席頃嘗居憲府，擁旌尋亦別明庭。  
金陵土著多蒙

賴分野三迴見福星

其二

惠愛如春威似霜、神明在政藹餘杭、集賢庭畔依依柳、無限行人比頌棠、

其三

盡道次公當入相、江湖那肯久遲徊、西湖春物空凝意、猶望方舟賞勝來、

和唐異見寄

騷人新遺畔、牢詞隱几微、吟愧所知幾、欲罇前論款、客可能林下、訪栖遲、

和才上人春日見寄

俗外多將雲作裝、花前惟以醉為鄉、瑤華伸玩情何極、高絕猶如登百常、

寄題僧院庭竹

岑寂寶坊清夜月、幾移踈影上跏趺、更憐齋罷閑看處、一日還應不可無、

寄蘭溪邑長史宮贊

溪上紅蘭露法華，谿波浮動長人樹。公餘即有扁舟興，幾弄潺湲到日斜。

寄梅室長先臣

君家先祖隱吳門，即日追遊往事存。若向明時奏飛牘，併將康濟息元元。

閔上人以鷺鷥二軸為寄因成二韻

閒聽粉絲荷葦外，數聲惟欠叫秋陰。虛堂隱几時懸

看增得滄洲趣更深

寄聞義閣梨時在溪口

平昔常聞溪口路，重山複水去無窮。禪餘試問舟人者，幾宿還能到剡中。

李翰林寄松扇及詩乃荅之

編松為箒寄山中，無得紫微詩一通。入手涼生殊自慰，可煩長聽隱居風。

和皓文二絕

李杜風騷少得朋，將壇高築竟誰登。  
林蘿窸窸湖山好，月下敲門祇有僧。

其二

芳草誰能夢謝池，但將心地喻摩尼。  
千巖萬壑時相憶，明月清風兩自知。

和王給事同諸宦留題

千兵款戶迂紅旆，四壁留題拂紫苔。  
他日北山傳故事，頂將猿鶴比雲來。

和蒙尉見寄

開尊且醉聖賢酒，理棹時乘旦暮風。  
懶為躬耕詠梁甫，敢將高卧敵隆中。

和酬周寺丞

門橫野水席凝塵，束縵誰能問乞鄰。  
除是平廬貴游客，中林時復訪幽人。

和安秀才次晉昌居士留題壁石

岑寂衡門題鳳處，嶺雲庭樹似無依。  
湖濱佇立應相

望一信樵風晚未歸

和謝祕校西湖馬上

表裏湖山極目春  
據鞍時此避埃塵  
蒼蒼烟樹悠悠  
水除却王維少畫人

又和病起

展轉匡林乍起來  
縹缸緗帙亦慵開  
三年一尉湖東  
住誰識神仙本姓梅

首唱云落盡  
中庭一樹梅

答謝尉得替

牢愁慢慙空堦雨  
羈官閒傷落日春  
未似青青河畔  
草客亭長短送離人

答潘司理

庭柯雪壓已如春  
乘興山陰亦少人  
岑寂園廬何所  
對酒中賢聖藥君臣

載答

官曹久已稱廉吏  
田里時來頽散人  
文戰談圍碁敵  
外絳侯何事號功臣

送僧遊天台

石梁天絕赤城深影落滄溟幾萬尋  
金策若迴聊為說慰予終老愛山心

送陳日章秀才

閒却清尊掩縹囊病來無故亦淒涼  
江南春草舊行路因送歸人更斷腸

送僧還東嘉

中林昨夜待微月回想謝公池上樓  
何意師言石門

路一併還自上歸舟

送慈師北遊

鬱鬱蒲葦染水田渡淮間寄賈人船  
知師一枕清秋夢多為林間放鶴天

復送慈公還虎丘山

牙牙歸檣五兩翻香林禪石抱雲根  
單囊憇罷還微咲却是青山不出門  
虎丘林壑率在寺垣之內

即席送江夏茂才

與君未別且酣飲別後令人空倚樓一點風帆若為望海門平濶鷺濤秋

送易從師還金華

吟卷田衣歲向殘孤舟夜泊大江寒前巖數本長松色及早歸來帶雪看

送丁秀才歸四明

有似東浮滄海君乘槎泛泛逐歸雲蛟綃市得能為寄擬寫清真隱秘文

送謝氏昆仲歸閩中

清邵才高雲與機林間文會忽相違南中草木正黃落但羨冥鴻兩兩飛

送逐良師遊嘉禾

且葉松枝想暫閒半囊乘興幾時還船窓月上滄洲遠應有詩題憶舊山

送式遵師謁金陵王相國

杯渡當過白露灘石城春氣尚微寒公台謁罷如乘

興試訪南朝事迹看

其二

高牙熊軾隱鈴齋棠樹陰濃長綠苔丞相望尊賓謁  
少清言應喜道人來

其三

天竺孱顏暫掩扉講香浮穗上行衣白猿聲裏生公  
石莫遣移文怨晚歸

送善中師歸四明

四明山水別多時老病心閒事事違夢想湖西古蘭  
若又和秋色送僧歸

送人遊金山

水烟霜樹矗層巖點破江心一簇寒見說天多剩得  
月為予閒上上方看

送然上人南還

囊携琴譜與詩稿寄卧船窓一榻深莫向雲中認江  
樹等閒驚起故園心



送人知蒼梧

側身南望但依依  
片席乘風去似飛  
莫謂蒼梧在天  
末帝鄉看逐白雲歸

送有交師輦下

瀟羅閒佩氎巾輕  
秋籟隨身指去程  
輦下大僚多好  
事退朝誰着道衣迎

送大方師歸金陵

渺渺江天白鳥飛  
石城秋色送僧歸  
長千古寺經行

了為到清涼者翠微  
清涼寺翠微  
最為嘉勝也

監郡吳殿丞惠以筆墨建茶各吟一絕以謝之

筆

犀利鋒鋷敵五兵  
夢中青鏤未為靈  
空山日午南窓  
暖擬寫黃庭內景經

墨

青暈時磨半硯雲  
更將書帖拂秋塵  
衰羸自顧空多  
感不是臨池苦學人

茶

石輾輕飛瑟瑟塵乳香烹出建溪春世間絕品人難

識閒對茶經憶古人陸羽撰茶經而不載建溪者意其頗有遺落耳

野鳧

三三兩兩自相隨擅頸回看颯颯衣野水無波秋色

淨不知何事忽驚飛

猫兒

減鉤時得小溪魚飽卧花陰興有餘自是鼠嫌貧不

到莫慚尸素在吾廬

鳴臯

所養鶴名

臯禽名祇有前聞孤引圓吭夜正分一啖便驚寥泐

破亦無閒意到青雲

吻吻

所養鹿名

深林槭槭分行響淺葑葑疊浪痕春雪滿山人起

晚數聲低叫喚籬門

小舟

舫低冷憂荷千柄底舫斜穿月半輪一笠一蓑人穩  
坐晚風簫颯弄青蘋

槐木紙硯贈周太祝

入手輕乾是古槐幾聲清響徹池臺推餘魚網如脂  
滑時寫新詩肯寄來

自作壽堂回書一絕以誌之

湖上青山對結廬墳前脩竹亦蕭疎茂陵他日求遺  
稿猶喜曾無封禪書

詩餘

點絳脣 題草

金谷年年亂生春色誰為主。餘花落處。滿地和烟雨。  
又是離歌一闋長亭暮。王孫去。萋萋無數。南北東  
西路。

長相思 惜別

吳山青越山青兩岸青山相送迎誰知離別情君  
淚盈妾淚盈羅帶同心結未成江頭潮已平

宋林和靖先生詩集卷之四終

宋林和靖先生詩集補遺目錄

春日懷歷陽後園遊兼寄宣城天使

玉梁峽口懷朱巖從事之官嶺外兩夕艤舟  
於此

西梁山下泊船懷別潤州杲上人

壽陽城南望寫懷歷陽故友

秋懷

招思齊上人

和酬泉南陳賢良高見贈

寄輦下莫降秀才

宋林和靖先生詩集補遺目錄終

宋林和靖先生詩集補遺

春日懷歷陽後園遊兼寄宣城天使

昔年行樂伴王孫。事盡清狂是後園。  
一榻竹風橫懶架。半軒花月倒頑盆。  
佳人暗引鸞言語。芳草閑迷蝶夢魂。  
今日淒涼看春色。可堪煙雨近黃昏。

玉梁峽口懷朱巖從事之官嶺外兩夕艤舟於

此

蒼葦江灣盡入深。數家村塢住山陰。  
煙橫落木寒初

靜水帶微陽晚未沉極覽定非他  
軍事不來終負此生心鱸魚斫  
鱠松醪酒曾屬騷人兩日吟

西梁山下泊船懷別潤州杲上人

畫圖行李是隨緣立別江頭雨  
霽天鐵瓮獨歸三月寺銅鉞輕  
挂兩朝船吟焚篆籀香初竭老  
擁雲霞衲已穿昨夜西涼山下  
月為師懷想幾悽然

壽陽城南望寫懷歷陽故友

楚山重疊蠹淮濱堪與王維立  
畫勳白鳥一行天在

水綠蕪千陣野平雲孤崖佛閣  
晴先見極浦漁舟曉未分吟罷  
騷然略迴首歷陽詩社久離群

秋懷

霏霏煙露拂西牕緜帙披殘卧  
縹缸林木細分山去削水波微  
動鶴丁椿涼沈睡欲何妨縱靜  
壯詩魔未易降搔首舊遊堪入  
畫一櫓如練下澄江

招思齋上人

兩槍未試泠泠水五鬣長閑浙  
浙風清會幾時搔首

後病懷無復曲肱中寒雲片段浮重巘白鳥橫斜入  
遠空一帙逍遙不能解牛頭焚盡待支公

上人嘗著  
逍遙別義

和酬泉南陳賢良高見贈

湛盧生澀鞘秋塵方冊誰談禮樂因兩地貴遊無舊  
識五天清會有高人泉闕茶井當猶惜火養丹鑪看  
獨頻揚袂公車莫相調浮名應未似身親

寄輦下莫降秀才

犀圍古暗草靴鳴楚楚衣裾白苧輕節槩平時長獨

五文章近日合雙行且看輦轂千蹄曉復憶溪山數  
筆晴一第臨臨杏花宴滿都春色叫遷鶯

圖

朝野圖書



